



**PEKELILING PERBENDAHARAAN NEGERI KEDAH DARUL AMAN  
BIL.2 TAHUN 2021**

Semua Ketua Jabatan Negeri  
Negeri Kedah Darul Aman

**GARIS PANDUAN PENDAFTARAN KONTRAKTOR KERJA,  
PEMBEKALAN/PERKHIDMATAN, DAN FIRMA PERUNDING  
KERAJAAN NEGERI KEDAH DARUL AMAN SECARA ATAS TALIAN (iDAFTAR)**

**1.0 TUJUAN**

- 1.1 Pekeliling Perbendaharaan ini bertujuan untuk memberi garis panduan mengenai pendaftaran Kontraktor **Kerja**, Pembekal bagi **Pembekalan / Perkhidmatan**, dan **Firma Perunding** yang berhasrat untuk menyertai semua jenis perolehan di setiap Jabatan Pelaksana Kerajaan Negeri Kedah Darul Aman secara atas talian.
- 1.2 Bermula tahun 2021, semua pendaftaran kontraktor, pembekal dan firma perunding akan dilaksanakan secara atas talian melalui Platform iDAFTAR yang boleh di capai melalui <https://idaftar.kedah.gov.my> .
- 1.3 Pelaksanaan pendaftaran kontraktor ini bertujuan untuk merekod dan mengumpul maklumat syarikat/pembekal bagi kontraktor **Kerja**, **Pembekalan/Perkhidmatan**, dan **Firma Perunding** yang mempunyai kemahiran dan kelayakan dalam bidang berkaitan perolehan yang ditawarkan disamping dapat memantau prestasi syarikat terlibat di Negeri Kedah.

## 2.0 PENDAHULUAN

### 2.1 PUNCA KUASA

2.1.1 Pekeliling ini berdasarkan punca kuasa di bawah:

- a) Keputusan Majlis Mesyuarat Kerajaan Negeri Kedah Darul Aman (MMK) yang bermesyuarat pada 16 Januari 2019, Kertas No.7(F)42/2019, *Cadangan Pindaan Penambahbaikan Berkaitan Kaedah dan Kadar Caj Pendaftaran Kontraktor Kerja / Pembekalan / Perkhidmatan dan Firma Perunding Kerajaan Negeri Kedah Darul Aman.*
- b) Keputusan Majlis Mesyuarat Kerajaan Negeri Kedah Darul Aman (MMK) yang bermesyuarat pada 14 Oktober 2020, Kertas No.7(F)404/2020, *Cadangan Pendaftaran Kontraktor Kerja Dan Firma Perunding Di Negeri Kedah Secara Atas Talian.*
- c) Keputusan Majlis Mesyuarat Kerajaan Negeri Kedah Darul Aman (MMK) yang bermesyuarat pada 14 Oktober 2020, Kertas No.7(F)403/2020, *Cadangan Penyediaan Platform Kajian Pasaran Perolehan, Pendaftaran Pembekal Dan Pengiklanan Produk Melalui Aplikasi iKEDAH.*

2.1.2 Pekeliling Perbendaharaan Negeri Bil. 2 Tahun 2019 Garis Panduan Pendaftaran Kontraktor Kerja, Pembekalan/ Perkhidmatan, Dan Firma Perunding Kerajaan Negeri Kedah Darul Aman **DIBATALKAN.**

### 3.0 TAFSIRAN

#### 3.1 JENIS PEROLEHAN

3.1.1 Kerja

3.1.2 Pembekalan / Perkhidmatan

3.1.3 Firma Perunding

#### 3.2 JABATAN PELAKSANA NEGERI KEDAH

3.2.1 **Jabatan Pelaksana Negeri Kedah** merangkumi:-

- a. Pejabat Menteri Besar & Setiausaha Kerajaan Negeri Kedah  
*[termasuk semua bahagian/unit]*
- b. Semua Pejabat Daerah dan Tanah Negeri Kedah
- c. Semua Jabatan – Jabatan Negeri Kedah  
*[termasuk cawangan dan pejabat di daerah]*

#### 3.3 JABATAN PEMUNGUT NEGERI KEDAH

3.3.1 **Jabatan pemungut Negeri Kedah** adalah jabatan yang bertanggungjawab bagi menguruskan penyediaan penyata pemungut dan pemantauan kutipan melalui Aplikasi iBAYAQ seperti jadual dibawah :

JENIS PEROLEHAN	KELAS KONTRAKTOR/ KATEGORI	KADAR (RM)	JABATAN PEMUNGUT NEGERI
Kerja	G1	100.00	Pejabat Daerah Berkaitan
	G2	200.00	Seksyen Kewangan PSUK
	G3	300.00	
	G4	400.00	
	G5	600.00	
	G6	700.00	
	G7	1,000.00	

Perkhidmatan / Pembekalan	Semua Jenis Bidang	200.00	a. Pejabat Daerah atau b. Seksyen Kewangan PSUK
Firma Perunding	Semua Jenis Firma	500.00	Seksyen Kewangan PSUK

## 4.0 PANDUAN PENDAFTARAN

### 4.1 KAEDAH PELAKSANAAN

4.1.1 Semua kontraktor yang ingin memasuki perolehan **Kerja, Pembekalan/Perkhidmatan**, dan **Firma Perunding** yang dibuat oleh **Jabatan Pelaksana Negeri Kedah** di setiap Daerah di Negeri Kedah perlu membuat pendaftaran **SECARA ATAS TALIAN MELALUI IDAFTAR** yang boleh di capai melalui <https://idaftar.kedah.gov.my> .

4.1.2 Panduan pendaftaran secara atas talian boleh dirujuk di Lampiran.

4.1.3 Pendaftaran bagi setiap tahun **dibenarkan** pada bulan **JANUARI HINGGA MAC SAHAJA**.

4.1.4 Semua pendaftaran kontraktor akan **diselia** di **Jabatan Pemungut Negeri Kedah** iaitu semua **Pejabat Daerah** dan **Pejabat Setiausaha Kerajaan Negeri Kedah (Seksyen Kewangan)**.

4.1.5 Pihak Kontraktor/Pembekal perlu mencetak Resit Rasmi melalui platform iBAYAQ dan perlu mengemukakan resit rasmi tersebut kepada Jabatan Pelaksana Negeri Kedah jika berhasrat untuk menyertai sebarang perolehan yang menggunakan peruntukan negeri Kedah.

4.1.6 Sebarang **cetakan semula resit oleh jabatan** akan dikenakan caj cetakan sebanyak **RM10.00**.

#### 4.2 **TEMPOH SAH PENDAFTARAN**

4.2.1 Tempoh sah pendaftaran ini adalah bermula pada **01 Januari dan tamat pada 31 Disember setiap tahun**.

4.2.2 Semua **Kontraktor Kerja, Pembekalan/Perkhidmatan dan Firma Perunding** hendaklah mendaftar semula pada tahun berikutnya sekiranya berhasrat untuk menyertai perolehan Kerajaan.

#### 4.3 **TEMPOH SIAP PROJEK / BEKALAN / PERKHIDMATAN / PROGRAM LEBIH SETAHUN**

4.3.1 Bagi projek/bekalan/perkhidmatan/program yang melibatkan tempoh siap melebihi setahun, semua **kontraktor kerja, pembekalan / perkhidmatan dan Firma Perunding** diwajibkan mendaftar semula pada tahun berikutnya selepas tamatnya tempoh sah.

#### 4.4 **NOTIS HEBAHAN PENDAFTARAN**

4.4.1 Semua Jabatan Pelaksana Negeri berkaitan perlu memastikan notis hebahan pendaftaran dibuat kepada semua **kontraktor kerja, pembekalan / perkhidmatan dan Firma Perunding** setiap bulan Disember tahun sebelum memandangkan tempoh sah pendaftaran adalah dari 1 Januari hingga 31 Disember setiap tahun.

## **4.5 BORANG PENDAFTARAN**

4.5.1 Pendaftaran melalui platform iDAFTAR.

4.5.2 Setiap kontraktor dan pembekal wajib memuatnaik dokumen yang diperlukan dan berkaitan melalui platform yang disediakan.

4.5.3 Setelah proses pendaftaran lengkap pihak kontraktor boleh membuat bayaran melalui platform iBAYAQ.

## **4.6 LAPORAN PENDAFTARAN KONTRAKTOR**

4.6.1 Laporan pendaftaran kontraktor akan dipantau oleh Unit Perolehan Pejabat Kewangan Dan Perbendaharaan Negeri Kedah melalui iDAFTAR.

## **4.7 LAPORAN PRESTASI KONTRAKTOR/PEMBEKAL**

4.7.1 Pihak Jabatan boleh memaklumkan kepada Unit Perolehan Pejabat Kewangan Dan Perbendaharaan Negeri Kedah sekiranya terdapat Kontraktor/pembekal yang tidak mencapai prestasi yang memuaskan untuk disenarai hitam selama tempoh tahun semasa.

## **5.0 KADAR CAJ PENDAFTARAN KONTRAKTOR**

### **5.1 KONTRAKTOR KERJA**

5.1.1 Semua jabatan dikehendaki mempelawa hanya kontraktor kerja yang berdaftar dengan Suruhanjaya Syarikat Malaysia (SSM), Perakuan Pendaftaran Kontraktor (PPK) dan Sijil Perolehan Kerja Kerajaan (SPKK) daripada CIDB dengan gred, kategori dan pengkhususan yang berkaitan serta Sijil Penarafan Bumiputera (jika berkaitan) untuk menyertai semua jenis perolehan kerajaan.

5.1.2 Kadar caj pendaftaran bagi kontraktor kerja adalah seperti berikut :-

<b>KELAS</b>	<b>KADAR (RM)</b>	<b>JABATAN PEMUNGUT NEGERI</b>
G1	100.00	Pejabat Daerah Berkaitan
G2	200.00	Seksyen Kewangan PSUK
G3	300.00	
G4	400.00	
G5	600.00	
G6	700.00	
G7	1,000.00	

### 5.1.3 KONTRAKTOR KERJA KELAS G1

Pihak syarikat / kontraktor hanya perlu memilih **Daerah** yang berkaitan sahaja di dalam aplikasi iDAFTAR bagi tahun mendaftar dan **layak memasuki perolehan di semua Jabatan di daerah** tersebut setelah membuat bayaran pendaftaran.

### 5.1.4 KONTRAKTOR KERJA KELAS G2 – G7

Pihak syarikat / kontraktor hanya perlu memilih **Seksyen Kewangan PSUK** sahaja di dalam aplikasi iDAFTAR bagi tahun mendaftar dan **layak memasuki perolehan di semua Jabatan di Negeri Kedah** tersebut setelah membuat bayaran pendaftaran.

## 5.2 PEMBEKALAN/PERKHIDMATAN

5.2.1 Semua jabatan dikehendaki mempelawa hanya pembekal yang berdaftar dengan Kementerian Kewangan Malaysia, berdaftar dengan Suruhanjaya Syarikat Malaysia (SSM), mempunyai kod bidang berkaitan yang diluluskan oleh Kementerian Kewangan Malaysia dan berdaftar sebagai pembekal Taraf Bumiputera oleh Kementerian Kewangan Malaysia untuk menyertai perolehan kerajaan.

5.2.2 Kadar caj pendaftaran bagi kontraktor pembekalan/perkhidmatan adalah seperti berikut:

<b>KELAS</b>	<b>KADAR (RM)</b>	<b>JABATAN PEMUNGUT NEGERI</b>
Semua Jenis Kontraktor Pembekalan / Perkhidmatan	200.00	a. Pejabat Daerah atau b. Seksyen Kewangan PSUK

5.2.3 Semua pembekal yang berjaya mendaftar dalam aplikasi iDAFTAR layak menyertai semua perolehan pembekalan/ perkhidmatan di seluruh Negeri Kedah bagi sepanjang tahun mendaftar.

5.2.4 Semua Jabatan Negeri Kedah dibenarkan memilih (Kajian Pasaran) dan mempelawa menyertai perolehan kepada pembekal yang berdaftar dalam aplikasi iDAFTAR sahaja.



### 5.3 FIRMA PERUNDING

5.3.1 Semua jabatan dikehendaki mempelawa hanya Firma Perunding yang berdaftar dengan Kementerian Kewangan Malaysia, berdaftar dengan Suruhanjaya Syarikat Malaysia (SSM) dan Mempunyai permit / perakuan dari pertubuhan perbadanan untuk menjalankan amalan Perunding Profesional sebagai mematuhi Akta yang dikeluarkan oleh Lembaga Profesional masing-masing mengikut bidang untuk menyertai perolehan kerajaan.

5.3.2 Kadar caj pendaftaran bagi Firma Perunding seperti berikut :-

KELAS	KADAR (RM)	JABATAN PEMUNGUT NEGERI
Semua Jenis Firma Perunding / Kontraktor	500.00	Seksyen Kewangan PSUK

### 6.0 KOD HASIL

6.1 Kutipan hasil bayaran pendaftaran kontraktor akan direkodkan oleh **Jabatan Pemungut Negeri** didalam sistem iSPEKS menggunakan kod hasil **H0171257 - Bayaran Untuk Berniaga – Bayaran Kontraktor.**

6.2 Kutipan hasil cetakan semula resit pendaftaran kontraktor oleh Jabatan akan direkodkan didalam sistem iSPEKS menggunakan kod hasil **H0273199 – Jualan Barang- Barang Cetak Yang Lain.**

## **7.0 KUAT KUASA**

7.1 Pekeliling ini berkuat kuasa pada tarikh ianya ditandatangani dan hendaklah dibaca bersekali dengan Arahan Perbendaharaan (AP) dan Pekeliling lain yang berkaitan.

## **8.0 PENGECUALIAN**

8.1 Sebarang pengecualian berkaitan pekeling ini perlulah mendapatkan kelulusan khas YB Pegawai Kewangan Negeri Kedah Darul Aman.

## **9.0 RUJUKAN TAMBAHAN**

9.1 Surat Pekeliling Perbendaharaan Negeri kedah Darul Aman Bil. 1 Tahun 2019 - Cetakan Semula Resit Berkaitan Pendaftaran Kontraktor ((47) dlm.p.Kw.N(K) 1522)

Sekian, terima kasih.

**“BERKHIDMAT UNTUK NEGARA”**  
**“KEDAH SEJAHTERA - NIKMAT UNTUK SEMUA”**

Saya yang menjalankan amanah,



**(DATO' HAJI ISAHAK BIN MURAT, DSSS., SDK., AMK., BCK.)**  
Pegawai Kewangan Negeri

Kedah Darul Aman

Sk: ( )P.Kw.N(K)1870 JLD 2